

趙恭毅公自治官書類集

趙恭毅公自治官書類集卷之四

長沙何祖柱蒐輯

奏疏

運軍二耗請照舊給發疏

四十六年正月

爲軍命倒懸澁情額救無悞急公事該臣看得漕運惟
湖南爲最遠而運丁又惟湖南爲最苦而最疲查出運
支給錢糧每運軍一船給二耗米九十一石一斗零給
行月二糧共米一百二十六石每石折銀四錢共折給
銀五十兩四錢今准部覆科臣戴璠條奏將康熙四十

三四兩年江浙兩省各掣掛欠米石數目查明到日行
令總漕檄行各該糧道於前項漕贈漕截等項銀米內
照數扣抵嗣後將前項銀米暫存糧道倉庫內俟回空
時倉場查明行文到日按其掛欠數目扣抵倘猶不足
將行糧一併扣抵如交納無欠照數支給等因移咨轉
飭驛糧道遵照嗣據該道詳稱湖南運丁應支錢糧止
有二耗行月銀米萬難與江浙省有漕截漕贈者一例
扣存等因咨明戶部准部覆給軍耗贈一項奉

旨扣抵掛欠在案臣查湖南運道既遠於江浙而漕截

清贈又惟江浙爲獨有科臣條奏似止從江浙起見卽
部臣議覆亦原止以康熙四十三四兩年江浙兩省掛
欠米石於二耗清截等項內扣抵今若併及於湖南而
且以湖南無欠之丁扣留防欠則湖南並無清截清贈
惟藉此二耗行月糧米以資飛輓既扣此二耗則僅以
五十兩四錢之行月而欲運每船六百三十七石九斗
之正米四耗歷江湖涉淮黃越數千里以達於京師
窮丁卽有急公之心重運終鮮神輸之術束手坐視必
致悞漕迺令開墾豈能枵腹萬一此十一萬六千餘石

之消或致遲阻卽將該丁立置重法已無及於抵通之
限矣臣思

皇上厚澤深仁普天霑被必無一夫不獲而後慰

聖主天地覆載之懷今軍有不支之勢消有難運之形
臣身任地方日孽情事不敢諉之相隔數千里之消臣
是以不辭冒昧徑檄該道查明康熙四十三四兩年果
無掛欠湏抵免其扣留防欠卽將二耗照舊給發各船
旗丁責其尅日開單北上仍取其實在領狀併不致掛
欠甘結存案如有掛欠臣卽親追領過二耗賠補倘追

補不前臣願照定例甘受處分至臣理應候

旨給發寔以漕船待此開摺候

旨必致遲悞非敢擅專伏乞

聖明慈宥又漕臣遠在淮上不及會稿併事開漕務繁
急不能待聞印日期合併聲明臣謹具題伏乞

皇上睿鑒全覽施行

奉

旨這耗贖米石若不預行支給旗丁必至困苦卽無掛
欠開省或有不肖官員不給旗丁侵蝕入己亦未可

定趙申喬將耗贈米石預給旗下甚是爾部照戴璠
條陳議奏不合這事仍着照舊例行

題報起程迎

駕疏

四十六年正月

爲恭報微臣迎

駕日期仰祈

睿鑒事欽惟我

皇上德隆化育功懋平成萬姓誠和猶塵益治益安之
慮九重宵旰不忘已饑已溺之懷乃以潘淮套工程
重大特允群臣之請躬親閱視之勞豈惟南國蒙
庥洵爲普天胥慶臣一介庸材適逢

聖主自康熙四十二年三月內獲覲

天顏迄今四載

瞻仰之忱無時敢釋今

六龍飛御臨幸臣鄉臣謹於

康熙四十六年正月二十二日趨赴

行在恭請

自治官書

卷四奏疏

報起程迎駕

四四懷貲堂

聖安叩謝

皇恩兼求

聖訓不勝踴躍歡忭之至所有微臣迎駕日期理合

繕疏恭報伏乞

皇上睿鑒施行

請將倉穀減糶疏

四十六年正月

爲穀價驟騰詳請減糶變通以資民食事該臣看得湖南地方素稱產米之鄉歷來米價較他省爲賤祇緣上年入夏之後雨澤愆期秋收歉薄而康熙四十五年地丁錢糧欽沐

皇恩蠲免有田蓄穀之家既無輸將之費必不輕於出售且外省商販絡繹以致目前米價倍於往昔小民粒食維艱茲據布政使董昭祚詳據長衡二府詳請減糶倉穀緣由查湖南上年雖非災歲近因米價偶貴之處

小民難於資生請將長衡兩府屬倉貯穀石於春間借給窮民之外每屬量留一二千石其餘盡令減價糶賣秋收照數買補還倉其餘各屬如有米穀缺少者一例減價發糶均於秋成買補如或價值不敷率屬捐補再各屬穀不足數之州縣卽以現今賣出多貯穀價查明按數另詳均勻撥補統於秋收買穀定貯等因呈詳前來臣思

皇上覆育群生惟恐一夫不獲今長衡二府屬米日少而價日貴小民難於餬口際此窮迫之時何敢不據寔

上聞請將州縣存倉穀石除借給窮民外於應存穀內
減糶十之六七以濟窮民其餘各屬如有米穀缺少者
一例減價發糶均於秋成買補還倉一通融閭則市價
自平而民皆得食咸沐

天恩於再生矣臣目擊情形難以緩待已仰體

皇仁一面檄行布政司轉飭減糶并嚴飭不許胥役需
索短措及奸商地棍多買轉販務使窮黎得沾寔惠合

行 題明伏乞

聖慈鑒宥抑臣再有請者各屬倉穀原按州縣大小積

貯今間有被災動賑及屬員那空缺少者多不足數一
遇荒歉無以脩賑且青黃不接之時不能一例出借臣
請以現今賣出穀價飭令該司查明穀少州縣按數另
詳均勻撥發秋成時買穀寔貯庶不足州縣均有預脩
統俟該司將減糶同酌撥地方穀石數目造冊詳齎到
日另行咨部合併聲明

戶部議 查湖南所屬各州縣存貯穀石應如該撫
所題將存倉穀內照例借給於應存穀內存三減價
糶七至秋成令各州縣均勻照數買補還倉仍令該

撫將何州縣穀石於何案內用過缺少若干之處逐一嚴查明白并將所糶數目秋收後各州縣均勻買貯倉穀數目一併造冊具題查核可也奉

旨依議

謝賜各物并報回署日期疏 四十六年四月

爲恭謝

天恩并報微臣回署日期仰祈 睿鑒事竊臣一介庸材叨沐 隆恩自康熙四十二年三月內獲覲天顏已閱四載瞻仰之忱日深依戀欣逢

皇上親閱河江臨幸臣鄉臣隨束裝起程恭迎

聖駕業經 題報在案旋於康熙四十六年二月二十三日趨至清江浦河干跪迎

聖駕次日隨詣淮安府 行宮蒙 恩賜克食隨荷

自台旨蒞 卷四奏疏 謝賜各物 八 懷策堂

召見咫尺

天顏叩請 聖安蒙

皇上溫語下詢不啻家人父子復隨詣揚州府 行宮

又蒙 賜克食一次 頒賞哈密瓜葡萄榛松瓜條乳

餅羊二隻併 賜綠松寶硯一方玻璃眼鏡一匣奇珍

異品悉出 上方手捧心驚難承 天寵更奉

聖諭許臣以摺子奏請臣跪領之下感激難名自顧何

人膺茲異數既愧 恩榮之非分又懼報稱之無由惟

有益勤猷勵飭吏安民稍盡臣職之萬一永銜 高厚

於無窮耳臣犬馬戀主不忍違辭因祇遵

天語謹於瓜洲八里舖地方跪辭龍顏卽由水路回

楚已於四月初三日抵臣駐劄長沙府衙門理合繕疏

恭謝伏乞 睿鑒施行

謝會審田舜年一案從寬降罰疏

四十六年四月

爲恭謝

天恩事臣材質疎庸知識淺陋會審土司田舜年一案止據田瑛如等所供具題田曜如未經赴審

皇上聖明洞鑒特遣大臣併提到田曜如訊供前情是臣不能詳察草率題請之罪誠無可追乃

皇上寬仁矜宥不加嚴譴僅從降罰臣跪誦溫綸深自愧疚感恩真同高厚負罪寔等丘山惟有益加儆惕不敢稍有疎忽仰報

聖慈於萬一耳除望

關叩頭謝 恩外理合繕疏恭 謝伏乞

皇上睿鑒施行

題魯壽兒因姦謀殺親夫招罪疏 四十六年四月

爲跟究男命事該臣看得黃氏之與魯壽兒通姦謀死
親夫蕭玉皇保也緣玉皇保本姓譚自幼出撫於蕭天
相爲子娶妻黃氏天相身故玉皇保分居於西山千步
嶺與壽兒所居鄰近有黃氏姨母金長婆向與壽兒熟
識引令認親彼此往來於某年月日壽兒乘玉皇保外
出卽與黃氏兩相苟合迨後玉皇保住居被燒壽兒卽
挈黃氏夫妻同住伊家由是通姦益濃預謀暗害親夫
久有日矣及至玉皇保知覺姦情責罵黃氏黃氏遂奔

至金長婆之家適壽兒亦至沽酒共飲不意玉皇保隨從後門闖入目擊憤怒遂爾角鬪黃壽兒即將玉皇保箠倒在地手搥其喉腳踏其腹黃氏扯裋咬腎未落卽奪金長婆切菜刀剖剖腎子時玉皇保氣猶未絕壽兒又令黃氏解桶上棕索拴其頸脖二人用力拉扯立斃其命匿屍空房至夜二更壽兒遂邀平日交好之魯公的魯龍生魯書生攆埋書生因子患痘先四而公的卽同壽兒攆屍龍生負斃將屍置於山邊水坑掩埋以致屍化骨零機深計密無人知覺後譚阿黃母子因久未

見玉皇保往問踪跡而黃氏所指去向互異致阿黃母子愈生疑心以跟究男命控告經蔣令到任究詢始得前情畢露歷訊供認不諱曾壽兄合依因姦同謀殺死親夫者姦夫處斬律應斬監候黃氏合依妻因姦同謀殺死親夫者律凌遲處死金長婆合依謀殺人不加功者律杖一百流三千里係婦人照例決杖一百餘罪收贖曾公的曾龍生曾書生合依知人謀害不卽首告者律各杖一百理合具題伏乞

皇上睿鑒勅下三法司核擬施行

奉

古黃氏着卽凌遲處死魯壽兒依擬應斬着監候秋後

處決餘依議

題何子臣等誘拐牛妹嫁賣又打死范上榮之子

檀生保捏告招罪疏

四十六年五月

爲活活打死人命事該臣看得何子臣等始而商謀誘拐復因事敗何子順又將檀生保打死圖賴樊如宗等一案先據該司以何子臣何子順取供病故將陳耀之等擬以流徒杖罪招解請咨經臣親訊咨部在案嗣准部覆行令具題到日再議等因行據按察使郎廷棟審解前來臣查何子臣何子順與在逃未獲李子相商謀誘拐樊如宗家僕男婦適如宗回祭祖居子臣等卽於

是夜將鄧士玉劉義方男婦五名口俱行拐出托言尋
田耕種誘至安仁中途先嚇士玉負子五苟脫逃將伊
妻牛妹與義方并長秀帶至吳文伯飯店住歇子臣卽
誘牛妹出外尋夫遂立婚書合陳耀之何玉章做媒將
牛妹嫁與陳爾先爲妻得銀二十二兩內耀之玉章各
得銀四兩子臣得受銀一十四兩又將三兩給與子相
一兩給與子順時店主吳文伯窺見行爲詭詐卽同劉
義方長秀喊問彼地盤查報知樊文拔將長秀義方帶
歸子順子相見事敗露計無所出頓生兇謀適有范上

榮五歲之幼子檀生保在家醫眼子順卽商子相將檀生保打死誘如宗等來家議和將打死檀生保更名何長壽捏告如宗活活打死迫范上榮以跟究男命控縣而奸謀始露一經究訊何子順自認商謀下手打死檀生保何子臣亦供認拐賣牛妹俱各不諱除何子順何子臣應擬斬絞已經取供病故毋庸議李子相何玉章亦經脫逃飭緝獲日另結外陳耀之等已經研鞫供吐前情悉與原招脗合陳耀之臨時知情做中分銀應照原擬依誘取婦人子女不分已賣未賣牙子係民例責四

才板流三千里劉義方長秀依背家長在逃律各杖八十長秀係婦人照律收贖俱給主領回黃秀中途踈脫李子相查李子相係罪應發遣之犯黃秀應照押解罪囚中途不覺失囚者減囚罪二等律照流罪減二等杖九十徒二年半何子相拐賣謀殺俱審不知情但挈助吊打樊如宗合依威力制縛人於私家拷打律爲從杖七十餘犯供明相應省釋理合具題伏乞
皇上睿鑒施行

刑部議 陳耀之改依和同被誘知情之人一槩發

寧古塔給與窮披甲之人爲奴例應僉妻發寧古塔
給與窮披甲之人爲奴黃秀等俱依擬贓追入官奉
旨知道了

題覆湖南米價騰貴疏

四十六年五月

爲欽奉

上諭事欽惟我

皇上德同覆載澤被蒼黎惟恐一夫不獲日軫萬姓爲懷茲以湖廣米少價值騰貴勅部行文查奏欽此臣查湖南米價素賤於他省而鄰封仰食亦更倍於他省上年入夏之後雨水愆期雖報災止有臨湘辰谿二縣其餘俱不成災而秋成歉薄家鮮蓋藏且外商客販絡繹搬買又未便槩行遏禁故去日多而存日少兼以四

十五年地丁卹沐

皇恩一槩免徵而舊欠未完並停輸納有田蓄穀之家既不煩易穀以完公遂多有藏穀以待價是以米價騰貴雖各地方多寡不等大約上米需銀一兩以上次米需銀九錢以外臣見米價既以日增小民艱於粒食展轉籌思惟有減糶倉穀可以遍逮窮簷據布政使董昭祚呈詳前來隨以穀價驟騰等事會同督臣石文晟題請將州縣存倉穀石除借給窮民外於應存穀內減糶十之六七以濟真正窮民均於秋成買補還倉幸賴

皇上俯允部議存三糶七臣卽飭布政司轉行該地方
官遵照減糶窮民得以零星賤買資生有穀之家亦咸
漸次出售市價日平青黃不接之時不致苦於乏食此
皆

皇上天恩之所賜也至今歲春夏之交雨澤頗沾禾秧
遍插再得甘霖繼沛則秋成可望豐登米價自當平減
可上慰

聖主勤恤之宵旰矣所有米少價貴相應遵

旨奏明伏乞

皇上睿鑒施行

題李氏黑夜入園竊菜被李雲臣殺死疏四十六

年六月

爲慘死人命事該臣看得李氏被殺身死一案先據該司將李雲臣等審擬徒杖具招呈請咨達經臣親訊咨部在案嗣准部覆駁查行臣另委賢員再行詳審確擬具題到日再議等因臣隨檄行按察司遵照委員審解去後茲據按察使郎廷棟覆訊招解前來臣查李氏之被殺身死也緣某年月日李氏與母華氏相依乞食路過雲臣菜園李氏見菜欣羨卽有欲爲竊取之語未幾母

女分路至晚華氏先歸李氏在後遲至更深李氏入蘭
竊某適雲臣等聞大吠驚覺疑賊偷牛王先卿卽與雲
臣各持刀棍啓門而出黑夜止見人影先卿趕毆一棍
時因大吠未聞人聲雲臣隨連戮三刀致傷李氏胸膛
等處更深昏暗恐有賊夥雲臣等隨卽入室閉門喊叫
初不知爲李氏竊菜亦不知其受傷與否迨後伊母華
氏以李氏夜深未歸復接至菜園路旁絆着李氏睡倒
疑爲饑餓跌仆背負而歸燃火看視方知彼被身死若
有別情則暮夜之事易於諱匿李雲臣等何反以菜園

戮賊向胡席勲直爲吐露又買囑華氏承認背負以掩其罪歷經覆審不特二犯忍刑同供悉與原招無異卽研訊伊夫伊母亦堅稱並無賄囑移屍卹罪情槩供吐鑿鑿人命重情實難懸坐相應仍照原擬李氏寅夜入茵竊菜雲臣等疑賊偷牛趕戮並非鬪毆致死查與康熙四十四年部覆江西省魯永乾李漢三趕追竊賊崔佛毆死將魯永乾依律杖徒李漢三依律重杖奉旨依議之例相符李雲臣應依凡夜無故入人家已就拘執而擅殺至死者律杖一百徒三年王先鄉應依不

應重律杖八十餘審供明相應省釋理合具題伏乞
皇上睿鑒勅部議覆施行

刑部議 李雲臣合依夜無故入人家已就拘執而
擅殺者杖一百徒三年至配所折責四十板王先卿
杖八十等因

奉

旨知道了

請發行取程知縣赴楚與劣監質訊私派疏

六年七月

爲劣監蔑法等事該臣看得湖南私派害民皆由地方棍劣藉端漁利銅習難除以致積困難返臣遵

旨盡革私徵嚴行禁飭乃有城步縣劣監戴玉侵吞官價苦累夫役經臣咨叅部覆將戴玉考授州同職銜革去隨行布按二司嚴提究擬招解去後茲據布政使董昭祚按察使卽廷棟詳據寶慶府知府王組詳稱據戴玉供報陞任知縣程某於行取進京時派夫三百二十

名收程儀葛布十疋詳請查提發審等因具詳前來臣
查原任城步縣陞任知縣程某係戴玉供出私派民夫
收受餽送之員雖有無未可懸定但既經供出若非程
某到案質取確供此案殊難率結查該員久經陞任補
授主事相應 題請仰祈 勅部將程某查發來楚以
便轉發與戴玉質訊仍照例以該員人文到楚之日扣
限完結臣謹具 題伏乞

皇上府鑒勅部議覆施行

吏部議 查城步縣知縣程某已經行取補刑部山

西司主事又經告病回籍調理應移咨福建巡撫將
程某發往偏沅巡撫質訊可也奉

旨依議

題參荆關同知翁年倫疏 四十六年七月

爲請

旨事該臣看得荆關木稅先因曹榮喬叩告荊州府革職同知王侃欺隱橫徵各款臣遵

旨審明具題部覆王侃任內既有多徵銀兩其接任同知翁年倫現照何例徵收每年多徵若干令臣確查到日與王侃任內多徵數目通計核筭將所請仍復部差增定稅額之處一併再議臣隨備移前任督臣石

將該同知現照何例之處確查移覆并徑檄嚴催該同

知將每年多徵之數據實開報併將歷年奏銷底冊貢
送確查茲據該同知詳稱過江之木俱照王同知任內
詳定每根俱照二錢八分八厘徵收四十一年抽徵過
木三千八百四十五根四十二年三千八百二十九根
四十三年四千五十七根四十四年三千九十九根四
十五年三千八百四十三根查曹榮齋原狀內稱荆關
過江木植約計每年五萬根隨訊據黃馨等供稱每年
足有二萬根今該同知既照王侃任內每根二錢八分
八厘徵收乃稱過江之木每年三千餘根及四千零不

等竟與黃馨等供報懸殊且將節年收稅經役抗不解
訊奏銷底冊亦不送查任其混詳全無憑據則多徵之
銀從何究追而關稅之額從何定議但該同知身恃隔
屬現任職官一味支飾希圖草率完結殊難定案相應
題叅請

旨將翁年倫暫行解任以便提審究追定議事關稅額
未便徇延臣謹具 題伏乞

皇上睿鑒施行

吏部議 應將荊州府同知翁年倫暫行解任交與

該府提審毋庸開缺可也奉

旨依議

題顏舉之砍死郭子賢招罪疏

四十六年七月

爲誅死叔命事該臣看得顏舉之之砍死郭子賢也素無仇怨緣舉之無賴窮民假扮遊僧沿村乞食某年月日道經郭子賢門首值子賢在家春米舉之登門索取茶火子賢堅拒不與更加辱罵舉之再三央求就彼造飯子賢遂持撥米棍趕打逐之使去舉之忿激頓起殺機乘子賢俯身挖米卽拾柴斧連砍子賢三傷擊中致命偏左腦後三處舉之擲斧於地卽取自布短衣一件并糯米雨傘負物將行見其身動未死惟恐後甦乃拾

取泥耙扎傷左太陽立即畢命孤村無人扃戶而去迨至初三日子賢姪孫五哥負薪至彼見門關鎖恐其他出遂呼同族郭寔容等開戶往視始知子賢砍死白邊報經伊娃郭瑞甫控縣通詳飭緝役因舉之打傷東華老僧致顏子奉鎖至伊家經該署縣緝獲到案自認砍死情真至所竊白布短少據供當在僧人靈潤之家以致靈潤畏累自縊經研訊供認不諱查白晝搶奪律開其本與人鬪毆因而竊取財物有殺傷者各從故殺論顏舉之除毆傷東華老僧及竊取子賢衣米兩傘輕

罪不議外合依故殺律擬斬監候秋後處決僧人靈潤
實因當衣之故懼累自縊並無別情應毋庸議理合具
題伏乞

皇上睿鑒施行

奉

旨顏舉之依擬應斬着監候秋後處決餘依議

題報臨湘災疫疏 四十六年七月

爲臨湘災疫困民仰 恩軫恤事看得岳州府所屬之
臨湘縣上年秋被旱災經臣題報仰沐

皇恩於蠲賦之外發穀賑濟災民賴以更生今歲春耕
俱已通行栽種惟待有秋乃該縣地方自五月以後民
間忽生疾疫勢以酷暑薰蒸傳染實甚臣隨仰體

皇仁依方製藥差具徑送該縣轉給受病之家并發賑
銀二百兩以爲存恤之資如有不敷令其據實報明以
憑設法再爲捐給去後茲據布政使董昭祚具報前來

除飭該司轉飭該縣設壇禳禱併酌捐醫藥多方調恤
務期安全外事關地方災疫情形理合具疏 題報伏
乞

皇上睿鑒施行

題吳吉兒砍死林外慶招罪疏

四十六年七月

爲報明事該臣看得吳吉兒刀砍林外慶身死一案緣
吉兒時年九歲童穉無知某年月日與同居中表林外
慶及同居之吳石兒年各七歲三人結伴登山撿柴回
至草坪空地爭柴起釁其特別無他人石兒外慶各
持棍毆打吉兒吉兒遂將所帶柴刀砍傷石兒兩刀又
砍外慶三刀致傷外慶致命偏左顙門腦後三處石兒
傷輕漸經平復外慶傷重彼日半夜殞命歷訊並無教
令主使之供認甚明吳吉兒合依聞毆殺人律擬絞

自治館書

卷四

懷策堂

監候伊父吳人長平日不善教子合依不應重律杖八十折責但查名例內開凡年十歲以下犯殺人應死者議擬 奏聞取自

上裁臣查吳吉兒犯罪時年止九歲與例相符相應遵例議擬具疏 奏請伏候

聖裁

奉

旨吳吉兒從寬免死減等解京給與旗下大臣爲奴餘

依議

題謝宗仕救父毆死大功兄斌等疏 四十六年七

月

爲打死父命事該臣看得謝宗仕與被毆身死之謝宗孔係大功兄弟也緣有祖田六十二畝地名彭古塘其祖先年已售胡姓宗仕之父謝名揚於康熙五年偷價贖回營業四十餘載宗孔藉稱祖業與圖踞占訟縣審明寔屬無涉仍斷名揚營業事已寢矣詎宗孔抗斷肆橫挾帶妻孥踞庄復占佃子若妻齊赴名揚之家持刀拚命時名揚外甥宗孔舉刀相向名揚以手推格致傷

手背疾呼救命維時其子宗仕因病在室聞父喊聲急於奔救倉皇之際復取碓房木棍中傷宗孔致命顛門其兄謝宗蘭負薪外歸見其父被傷亦抽柴棍擊傷宗孔不致命右肱肘宗孔回身趕打宗蘭而宗仕兄毆其兄復拳傷宗孔致命右後脇當卽倒地跌傷左肱肘是夜殞命歷訊供認不諱謝宗仕合依卑幼毆大功兄死若斬應擬斬立決謝宗蘭合依卑幼毆大功兄律杖八十徒一年半至配所折責二十五板謝法祖在場不行勸阻應與兄父毆奪人出非犯上不爲諫阻之謝祖

朝謝祖乾均照不應重律各杖八十折責三十板田付
名揚營業再照謝宗仕依毆大功兄死者斬決固不爲
枉但因其父疾呼救命以致帶病奔援救父情切致罹
殺兄之罪初非有意情寔可憫應否俯從末減以廣
皇仁伏候

聖裁臣謹具 題伏乞

皇上睿鑒勅下三法司核擬施行

刑部議 謝宗仕謝宗蘭救父情切宗仕應改免死

自合官書 卷四 奏疏 謝宗仕減等 五 褒貶

柳責追埋宗蘭免徒責四十板奉

古依議

題叅五寨司田弘天抗不造冊疏 四十六年七月
爲額懇垂憐賞均里甲以平苦樂清額載以復版圖查
侵騙以增 國課革陋弊以甦民困事該臣看得湖南
地方向來私徵濫派相沿成習自臣受事以來仰遵
諭旨凡州縣加耗私徵盡行革除乃有五寨長官土司
田弘天任意橫徵致司民唐宜明等赴臣具控臣隨批
行布政司會同辰沅靖道嚴飭清查造報去後茲據布
政使董昭祚詳稱准據辰沅靖道暨辰州府移詳蒙念
邊民苦累以錢糧不便仍令該土司徵收飭行查議但

徵收錢糧原以花名額徵糧冊爲憑該府差檄交催該
土官以錢糧不令徵收其花戶糧冊故意措勒抗不造
齎以致未便遞議具詳請叅前來臣查五寨土司附屬
內地所管土民皆屬

皇朝赤子豈容恣肆橫徵苦累窮民臣猶念土司原屬
邊員亦未過爲追求惟飭逐款嚴禁以絕私徵但徵收
錢糧不便仍歸掌握是以查取花名糧冊酌量付附近
有司管理詎因弘天恃其土官始而抗不赴訊繼而故
意措勒抗不造齎藐違 功令萬難姑容相應 題叅

請

有將田弘天華去長官司職銜以便嚴提究查以避邊
民者也臣謹具 題伏乞
皇上睿鑒施行

題歐春富因畧賣致死歐康先之女招罪疏四十

六年七月

爲串黨拐帶急救女命事該臣看得歐春富乃歐康先
同宗無服之姪也綠康先有女招弟年甫六歲幼小無
知春富商同朱赤人計圖畧賣某年月日見招弟與歐
世玉幼女同在屋後掃葉爲戲春富即將赤人糖餅誘
登山勸二人輸負潛行時招弟肚饑啼哭赤人引至相
識廖碧雲家取飯與食碧雲見其行踪可疑不容久留
春富赤人復背至茶山招朱公奎娶買公奎恐其來歷

不明辭以幼小不先二人見娶買未就更圖他需春富
背招弟前行赤人稍後薄暮行至河邊遠望行人疑爲
康先追提春富倉皇無措頓起殺機遂將招弟棄河溺
死厯訊二犯供認不諱查律開拐賣不從而殺者擬斬
監候招弟幼小雖井不從然春富驚疑追捕希圖滅跡
定與故殺之律相符歐春富合依故殺者斬律應擬斬
監候秋後處決朱赤人依誘賣人口爲從例發寧古塔
給與窮披甲之人爲奴係民并妻子發遣廖碧雲審不
知情應行省釋理合具題伏乞

皇上睿鑒勅下三法司核擬施行

奉

旨歐春富依擬應斬着監候秋後處決餘依議

報懸匾事竣回署疏 四十六年八月

爲恭報微臣敬懸

御匾事竣回署日期事欽惟我

皇上萬壽昌期祭告南嶽特頒

御書臣率司道等官賫捧

御匾進山維時瑞氣氤氳光燦爛天人交應忭舞非

常臣祇宿齋宮虔誠祝 聖於初十日同

欽差臣宋大業跪叩敬懸 龍飛鳳翥輝騰七十二峯

日升月恒慶垂百萬禎臣民瞻拜踴躍歡呼臣躬親

擇地構造

御書樓併臨摹刻石永鎮名山現在委官選料興工俟
工竣之日另疏奏 聞臣於本月十三日回抵長沙府
駐劄衙門理合恭疏 題報但事關 大典臣當不時
親赴料理且長沙去衡山甚近嗣後微臣往來似可暫
免具 題合併聲明伏乞

皇上睿鑒施行

存剩米價委難增添疏 四十六年八月

爲

奏銷康熙四十四年錢糧查奏未完各官事該臣看得
湖南四十四年分 奏存南秋屯米折價一案部駁平
清二衛折給官俸役食米每石俱係七錢計算今前項
米石何得俱以六錢折解行令撫寔增添經臣分檄查
明以委難議增緣由咨覆在案嗣准部覆前項米石價
值係具題行查之項不便據咨遽議仍行具題到日再
議臣又檄行都使司驛監糧道遵照去後茲據都使司

郭大受驛鹽糧儲道叅議成光各詳稱湖南康熙四十
四年分存剩南秋屯米一萬八百石係照 題定價值
每石六錢折解是係民間現在變賣時價萬難增添至
平清二衛折給官俸役食每石七錢計算乃從前部定
扣給官役支食之項與折解之價不同等因具詳前來
臣查湖南每年存剩南秋屯米經前撫臣興永朝題定每
石六錢折解歷年 奏報有案民間遵行已久與其變
價不若徵銀一案行令仍照上年折銀六錢之例徵收
報部等語則四十四年存剩米石似應仍照六錢定價

折解者也理合具 題伏乞

皇上睿鑒施行

恭貢生楊某濫派疏 四十六年八月

爲紳衿邀禁濫派詳請咨察觀革懲寔寔情以肅

功令事該臣看得湖南地方從前私徵濫派多山不肯
紳衿逢迎科歛借公事以分肥復操短長而挾制致使
小民吞聲竭髓欲訴無由而若輩結黨吮膏不奪不厭
臣痛悉情弊卽遵

聖諭殫力革除乃不意有靖州天柱縣貢生楊某許某
生員朱某者以共地處邊徼謂臣耳目難周敢於違禁
濫派以致縣民楊苦仔赴臣有脅官殃民之控隨批布

按二司嚴究茲據布政使董昭祥按察使卽廷棟會詳
泰華前來臣查私派一項久奉

諭旨禁革而楊某等仍敢公然議派一次派銀每畝二
分一次派銀每畝五厘則其蔑視 功令不法已極雖
據該縣稱力阻未允而有無私派侵蝕殊未可定伊等
身恃貢祿不吐寔情除移咨學臣將生員朱某褫革衣
頂外查楊某係康熙四十二年歲貢許某係康熙四十
年歲貢相應 題奏請

旨將楊某許某革去貢生以便飭審究擬嚴禁濫派者

也臣謹會 題伏乞

皇上睿鑒施行

奉

旨楊某許某俱着革去貢生該撫審擬具奏該部知道

題張氏等毆死鄧二甫招罪疏 四十六年八月

爲報明事該臣看得鄧二甫被毆身死一案緣某年月
日有張令文張如公孫帝生同婢過渡時已離岸而二
甫趕至突然跳上簰小人多立時覆溺適遇張聖文以
柴担援引收起三人惟帝生沉水斃命如公令文二甫
三人同至如公門首裂口交責咸以帝生之死爲二甫
跳簰所致有帝生之戚張耀公輒以拳毆二甫肩胛復
掌批其頰帝生之兄孫哲生隨以繩繫二甫至家又被
李俞以拳毆其臂膊其時令文之母張氏年老聾瞶亦

經過其門誤聽伊子溺死卽拾半邊柴棍擊傷二甫額
顧經李緯旭楊登崖從中勸解令二甫如公令文各出
銀三錢伍分給哲生爲買棺之費當經解釋二甫謁後
受傷於十五日殞命有柴牙余化石與圖詐索糾同曾
愛卿控屍於哲生之家具控署縣有何彥卿聽信哲生
田主沈鐸之言議銀一十六兩先交銀六兩與曾愛卿
爲撥柩回籍之需餘俟詳先交足私和遁息該署縣據
情詳府轉報到臣臣以事關人命未據通報隨批司提
究經署縣檢出二甫額頭真傷訊係張氏所毆其李俞

張耀公拳毆之處雖檢無傷痕但歷審各犯供認不諱
除下手傷重之張氏赫許教唆之余化石以財行求之
孫哲生孫世成俱於取供後病故不議外張耀公李俞
俱合依餘人律各杖一百折責四十板查李俞犯事時
年止十五應照幼例收贖魯愛卿何彥卿合依私和人
命律各杖六十折責二十板理合具題伏乞
皇上睿鑒施行

刑部議 張耀公李俞依律杖一百李俞照例收贖
魯愛卿等俱杖六十銀追入官奉

肯知道了

題熊子政身死井中細縛手足疏
四十六年九月

爲詳報事該臣看得熊子政身死井中一案緣子政惡
嫌入贅故民張君兆之妻彭氏爲配欲請彭門飲酒二
十八日早上出門於中午時候至伊胞兄熊子仲家免
其往縣買脩至晚未歸二十九日早有張文先託李瑞
伯往城討田議租路過子仲門首見其井邊衣帛文先
喊知子仲子仲趨視見係伊弟之物報知繼父劉玉林
與伊姊彭氏於井中撈獲弟屍手足細縛玉林夫妻同
至井邊彭氏將手足盡解子仲當鳴牌總赴縣具報玉

林同妻彭氏晚陸伯生朱偉先問其曾否告狀子仲卽
回遂行埋塋而子仲族人責其不行報官必有誅弟情
由致子仲赴縣控張俊若等該縣並未通報嗣據熊子
仲以打死弟命赴常德府告馬大生等該府批查始據
該縣通詳檢驗手足止有細縛傷痕隨據按察司詳委
沅江縣檢審而該縣覆檢報出細綁拳棍多傷且於未
經承審之先被告馬大生已於龍陽縣病故該縣將被
告之張瑞貞張文先張俊若三人審以圖財害命槩擬
斬決及解府嚴訊而張瑞貞等極口稱冤供稱苦夾成

招且稱湘潭縣件作王起鳳原檢無傷陳令丟下夾棍
嚇急妄報迨該府提訊件作王起鳳亦供熊子政骨殖
原無傷痕寔係畏刑混報并質之屍兄熊子仲供當日
撈獲屍身遍體俱係白色止有手足綑綁等語該司據
府定疑案招解到臣臣以事關人命詳閱全招反覆推
訊又據沅江縣原取和包之差役劉章徐良及小綿兒
訊供和包係在監內張文先身邊解下與小綿兒交劉
章迭與陳縣官俱與原審情節相符查人命以傷真証
確方可定擬今此案傷仗未符証証無據除將被告之

張文先屍兄熊子仲及屍妻彭氏飭發取保釋放仍緝
真兇獲日另結外劉玉林私自解縛埋塋照移屍律杖
一百折責四十板玉林之妻彭氏係已死子政之母年
已七十應請免議甲長劉君先合依地方有死人里長
不報官司驗審者律杖八十折責三十板熊子仲不卽
報官件作王起鳳檢驗不定縣役劉章徐良該縣押問
小綿兒追取和包乃往監內張文先身邊解下叉扶同
解係小綿兒交出均屬不應合依不應重律各杖八十
折責三十板劉章徐良革役蕭子偉陸伯生朱偉先係

聽從劉玉林應毋庸議至此案諱匿不報者係龍陽縣
知縣張璜濫刑失入張俊若等三名斬決者係沅江縣
知縣陳智相應附叅以聽部議理合具題伏乞
皇上睿鑒施行

請將貢生南北分選疏 四十六年九月

爲湖南僻壤銓選維艱懇請 題南北分選以溥

皇恩事該臣看得教職官員例於本省銓選茲據布政使董昭祚詳據湖南各屬選拔副榜恩歲貢生傅霖等呈稱湖廣地方中隔洞庭相距一千里不等每逢秋闈湖南應試者少故中式者亦少雖貢生南北一例而人多缺少銓選需時迨至垂暮之年幸邀選授倘在湖北或力難赴任或阻滯遠限懇請南北分選等因具詳前來臣查全楚地方延袤數千里中隔洞庭大湖其湖南

候選貢生選授湖北者途路既遙風波役險或苦於盤費而力難赴任或渡湖阻滯而憑限多違臣每當考試給憑之際見窮老儒生進退兩難殊爲可憫合無仰懇聖慈將現在候選之選拔副榜恩歲貢生嗣後籍係湖北者則選湖北之缺籍係湖南者則選湖南之缺庶南北赴任之員均免險阻之虞而寒士感沐

皇恩直與天地同其高厚矣

部議 查定例在外教職俱係通省補授止迴避本府無同省分爲兩處銓選之例但該撫等既稱全楚

地方延袤數千里中隔洞庭大湖路途旣遙風波復險仰懇將候選之選拔副榜恩歲貢生嗣後籍係湖北者則選湖北之缺籍係湖南者則選湖南之缺等語應如該撫等所題將湖廣通省選拔副榜恩歲貢生候選候補教職者南北分選可也奉

旨依議

題叅辰谿縣濫派荒糧冊費疏 四十六年九月

爲詳揭私派劣員以肅官箴以昭法紀事該臣看得湖南地方從前一切私派臣已仰遵

諭旨盡行革除而清查荒蕪田地尤關 國計民生臣

竊慮屬員奉行不善以致累民是以通飭各屬凡查出

自首新墾田地止造簡明冊籍以省繁冗并飭不得混

行駁查更恐有不肖官員藉稱冊費苛派擾民諄諄告

誡嚴行禁革在案乃不意有辰州府屬之辰谿縣知縣

徐某者罔顧 功令輒藉造冊名色照糧派費據布政

使董昭祚等詳稱訊據經承謝玉車等僉供辰谿縣原
荒糧四百八十石除沅衛失額無主一百二十石士民
余世重等每石荒田派銀一兩五錢與本官作冊費等
語似此藉名苛派溺職病民所當據詳糾叅請

旨將徐某革職與有名人犯一併嚴提究擬以爲濫派
虐民者戒臣謹會 題伏乞

皇上睿鑒施行

題叅吳某等互訐各情由疏 四十六年九月

爲請叅知縣巡檢互訐以肅法紀事該臣看得靖州屬
之綏寧縣地方乃苗獠雜處之區而臨口司巡檢一官
專轄苗地皆必廉能奉公始資彈壓查該縣革職留任
知縣吳某先以原任常寧縣未報命案部議革職臣據
該縣里民王國珍等連名呈懇留任情詞迫切隨經會
疏具 題業奉

諭旨准其革職留任臣准部文屢飭告誡務期矢心報
効無負厥職茲據臨口司巡檢趙某詳訐該縣從前諱

匿多命今糶穀利已扣短工食等情又據吳某詳訐該
巡檢私派擾苗諸弊挾仇妄詳各情由臣俱批行布按
二司嚴查詳揭續據吳某趙某各具辯詳臣查諱匿人
命彼此婪賍之處均干法紀共是否誣控有無寔據相
應一併題叅請

旨將綏寧縣革職留任知縣吳某解任臨口司巡檢趙
某革職與案內有名人犯提審寃擬以肅吏治者也臣
謹會題伏乞

皇上睿鑒施行

請以善化縣訓導移駐獄麓書院疏 四十六年九

月

爲

君師臨照之地臣子崇奉宜虔請分教職移駐書院以專責成以隆文教事該臣看得長沙府獄麓書院乃朱儒張栻朱熹講學之所爲四大書院之一左建

先師孔子聖殿儼如黉序康熙二十六年內蒙

皇上特賜學達性天匾額并頒給解義經史諸書

宸翰輝煌奎章炳耀凡屬臣民觀光恐後茲據布政使

董昭祚詳稱因地隔江在郡城西岼誠恐崇奉無人致
貽隕越據長沙府知府崔岱齊以地屬善化議將該學
訓導移駐書院等因具詳前來臣思書院既有

先師聖殿又重以 御筆之光懸 賜書之寶貯

君師並隆於萬世崇奉宜有專責似應以善化縣學訓
導移駐嶽麓書院併前給開房捐資添蓋令其居住庶
瞻

天仰 聖承依雲漢之爲章而入室升堂長護門牆之
數仞矣臣謹會 題伏乞

皇上睿鑒施行

吏部議 應如該撫所請將善化縣學訓導移駐嶽
麓書院捐貲添蓋房屋令其居住恭奉

皇上特賜匾額及經史諸書不致損缺可也奉

旨依議

報修嶽工竣疏 四十六年十月

爲欽奉

上諭事該臣看得修建南嶽宮殿一案經臣會同前任督臣喻成龍題請捐修遵照部選吉期於康熙四十四年七月二十八日動土興工委員督修臣不時就近親詣稽查於康熙四十六年九月十五日建造完工井粉飾彩畫齊脩帷祝聖茶菴五處現在委員星夜督修不日可以成工臣伏思南嶽爲

皇上主壽之山茲以嶽神效靈殿工告竣案宇瞻依

巨典攸關懇請

御製洪文 親灑宸翰頒發刊勒永鎮名山俾七十二
峯更覩 天章丕煥百千萬禩共祝

聖壽無疆矣除建造全圖容俟確加詳核更依繪畫另
行恭進外所有款工告竣併祈

御書徵忱臣謹會 題伏乞

皇上睿鑒施行

請添設黃茅驛站疏 四十六年十月

爲驛路之遙遠實甚夫馬之奔馳難堪額請轉詳添站以均勞逸以甦積困事該臣看得設立驛站原以供應皇華必期道里適中勞逸咸均始堪無悞茲據驛鹽糧道叅議成光詳稱湖南所屬驛站計程安設近則五六十里遠則八九十里最遠者亦不過百里而已惟長屬之南岢驛衡屬之黃堡驛彼此相距則有一百八十里之遠一遇差使往來動經數日夫馬奔馳之勞瘁實有一兩倍於他驛是以南岢黃堡二驛丞額請添站據長

衡二府會議妥詳南岍黃堡計程最遠相應於黃茅舖
添設一站以均勞逸但黃茅舖驛站奉裁已久若請增
設動支錢糧似難允行若於各驛酌調馬夫添設驛站
協濟又恐不能垂久且無端官管理或致違悞廢弛莫
若於所屬驛近之中的酌議抽調夫馬若干設立於黃茅
舖接遞差使卽將南岍驛驛丞移駐彼地備司料理應
付所有南岍驛務歸於湘潭縣令兼管其工料等項卽
於各驛額設錢糧內撥給支銷等因詳道擬於南岍黃
堡鶴陽排山祁陽零陵六縣驛各抽馬七匹馬夫三名

半損夫十名共計抽馬四十二匹馬夫二十一名損夫六十名添設黃茅一驛其南岍黃堡等六驛站除抽調之外各存馬四十三匹馬夫二十一名半損夫六十名又各驛獸醫止有一名無可抽調黃茅驛亦請添設獸醫一名其每年工食卽於六驛獸醫工食內均攤其各項工食工料藥餌廩糧馬價銀兩俱於各該驛額設錢糧內照數撥給此抽調添設之黃茅驛將南岍驛丞改駐管理而南岍驛務歸縣兼管如此調劑轉移又無動費錢糧之慮等因詳請 題達又稱岍屬臨湘縣之長

安驛與湖北所屬之蒲圻縣港口驛接界湖南各驛夫
差俱係按站接遞而湖北舊例不同港口驛未設損夫
乃蒲圻縣之排夫合併走遞致湖南長安驛夫差亦越
悲口驛直送蒲圻縣方行接替是湖南各驛中獨此長
安一驛之損夫越送湖北一站之差使事屬偏累屢經
咨移未能改定呈請一併 題明請 勅湖北議設港
口驛損夫接替長安驛夫差以免越站遠送之苦累等
因具詳前來臣查長衡二府相距之中向有黃茅驛站
接遞南岬黃堡差使後經奉裁以致南岬黃堡一驛之

夫馬兼兩驛之奔馳今議於南岍衡陽山黃堡祁陽
零陵六縣驛各抽馬七匹馬夫三名半損夫十名共計
抽馬四十二匹馬夫二十一名損夫六十名又均攤獸
醫工食一名添設黃茅一驛其各項銀兩俱於各該縣
驛錢糧內照撥將南岍縣丞移駐管理似可垂永久而
均勞逸又臨湘縣之長安驛損夫差使越湖北之港口
驛直送蒲圻縣接替偏受苦累既據該道一併呈詳相
應據詳具 題仰祈 勅部俯准將南岍驛等六縣驛
之夫馬抽調添設黃茅一驛其長安驛損夫越送差使

併行湖北議設港口驛損夫接替廣南岍黃堡二驛之
夫馬不致疲斃而長安驛之損夫亦免其越送苦累矣
臣謹會題伏乞

皇上睿鑒施行

兵部議查添設黃茅驛既不另動錢糧又不添設
驛丞應照該撫所題添設將南岸等縣驛夫馬抽調
安設其南岍驛驛務令湘潭縣知縣兼管南岍驛
丞移駐黃茅舖應換驛記移咨禮部鑄給至港口驛
應否設立損夫之處行令湖北巡撫定議具題到日

再議奉

旨依議

官書

卷四 奏疏

孫設黃等驛

岳

懷策堂

覆部駁黎大苟等行刦黎恩生疏四十六年十月
爲報明事該臣看得已故盜首黎大苟等行刦黎恩生
家毆斃事主一案緣大苟探知恩生賣猪有銀并有鳥
鎗雞畜頗起盜心卽與李苟商謀行刦而李苟轉商胡
四於某夜一更時候李苟執持扁挑胡四隨帶鉄鉈行
至金雞埗悄喚大苟同至恩生門首李苟掇開院門先
捉其雞大苟隨進胡四在外把風恩生因雞聲驚覺啟
戶出視拉住李苟大苟卽用扁挑毆打恩生當頭一下
恩生喊聲大震李苟接過扁挑連擊致命額顙恩生仆

於水溝旋卽殞命李苟復將事主之妻張氏綰毆索寶
大苟燃火刼取烏鎗李苟搜刼銀錢胡四在外喊叫有
人來了遂各遁散經臣審擬斬決梟示具題部覆以
黎大苟等起謀偷竊事主驚覺拉住李苟大苟情急打
傷失主身死然後點火刼取銀錢等物胡四在外把風
一體照強盜殺人律擬罪不符行令再行詳審確擬具
題到日再議緣由臣隨行按察司覆審招解前來臣詳
加細訊查黎大苟等商謀之時以恩生夫婦年老鄰佑
寫遠如其不知則行偷竊知覺綰住行刼是行刼之心

已經預訂似非造意行竊臨時拒捕行強者比且上盜之時胡四雖在外把風未經入室傷人然身帶鉄鉞已預爲行劫之具其大苟等在內綑毆搜劫俱屬耳聞目擊及至鄰佑救護復賊共奔所劫匪銀六錢伊分其半歷經研訊是強非竊已無疑義各盜仍應照依原擬除盜首黎大苟病故外李苟胡四合依強盜殺傷人不分首否得財律擬斬立決梟示已起贖物給還失主未起銀錢照例追賠或以胡四並未下手傷人止於在外把風仰邀

皇恩寬赦非臣所敢擅便也

奉

旨盜案如係強劫則同夥皆強如係行竊則同夥皆竊
這案內李苟胡四同夥爲盜分強竊擬罪不合人命關
係重大着九卿詹事科道會議具奏

九卿等衙門議 查得黎大苟稱知黎恩生賣猪有
銀遂起意行竊知覺細住行劫之供但黎大苟李苟
入室之初輕輕掇門進去卽行捉雞實屬竊盜迨失
主恩生知覺將李苟拉住大苟情急用扁担打傷恩

生殞命正與竊盜臨時拒捕殺人之律相符除黎大
苟病故不議外李苟合依竊盜臨時拒捕殺人者斬
監候律應擬斬監候秋後處決胡四並未入室仍照
竊盜一兩以下律應杖六十折責二十板照例面上
刺字餘仍照三法司原擬等因奉

旨李苟依擬應斬監候秋後處決餘依議

題茶陵州李牧濫借倉穀縱役逼死人命疏四

十六年十月年十月

爲呈報事該臣看得州牧之職撫綏爲先差役不宜擾
民倉穀豈容濫借茲茶陵州劉宜臣自縊身死一案緣
周羽奇欠借倉穀以佃民劉宜臣欠租稟州追租還穀
州差馬如珍之子馬日輝承票往拘日暮到彼宜臣畏
懼令妻譚氏言燒炭未回譚氏卽殺雞煮芋與日輝食
膳又給草蓆一條與其誓去回官豈日輝收受仍不肯
去要在氏家歇宿等宜臣帶去回官以致宜臣進退無

指卽於卧房自縊及據詳提訊該州知州李士芳將屍
妻譚氏抗不起解屢催始據到官供吐州差要等同官
打發草蓆一條仍要在家歇宿致夫縊死情形甚爲慘
戚而州差馬日輝亦自認不諱再據周羽奇供欠積穀
二十一石又自有糧租十五石查倉穀止應借給真正
窮民周羽奇既有十五石糧租並非窮民何得妄借倉
穀至欠二十一石又經行司轉查雖李某捏稱羽奇作
保並非自借但周羽奇在州供稱欠春借倉穀無補而
該州原詳看稱周羽奇懼積穀無抵稟開四戶行追歷

歷具在尚欲肆其狡飾真不知有法紀矣此一官者濫
行出借倉穀縱役逼死人命則違例失察之咎誠不能
爲茶陵州知州李某寬也相應指叅以飭吏治臣謹會
題伏乞

皇上睿鑒施行

題叅兵丁被苗拿陷諱匿職名疏 四十六年十月

爲行查事該臣看得紅苗頑質野性叛服不常其來已久康熙四十二年蒙

皇上軫念邊氓特遣大臣宣布德威苗卽歸誠向化三百餘寨咸願報丁輸糧雖干羽之格豚魚之孚不是過也又派設文員併增兵九百名其建威銷萌防維周密者可謂至矣但苗同犬豕全無知識遠隔

天威復肆奔突於康熙四十四年八月初二日據辰沅靖道鄭振詳報補點塞苗殺死冲角營百姓石繼花等

晒金塘苗殺死茶菌均民林光鵬都吾割豆百姓田忠
甲都蠻民梁得勝併殺傷男女三名口又准前督臣石
文晟咨落塞苗人吳老宰殺傷三箭塘民秦惠舉身故
刦去牛隻拿去男女三名口等情臣俱咨明督臣提臣
併行按察司辰沅靖道嚴拿究擬至上年八月內據辰
沅靖道稟報大羅坪苗吳老化等拿陷兵丁楊正時殺
死兵丁向友才臣以兵丁被苗殺陷隨會同前督臣石
文晟題奉在案乃本年九月內臣訪聞鎮筸鎮得勝營
弁目撥兵採草至老婆潭有苗子吳老吉等起草拿去

百總兵丁黃萬年等共二十三名未據該道呈報顯有
諱匿情弊隨移咨督臣提臣鎮臣併行辰沅靖道查明
拿去百總兵丁曾否追回其兇苗吳老吉曾否拿獲併
取隱諱各職名開報前來臣思設兵本以衛民今靖疆
營民被苗殺陷該道匿不通報而得勝營兵丁二十三
名俱被苗哄拿該道全不報聞及臣訪查而該道猶一
味朦混惟以移鎮咨覆希圖塞責則疎諱欺飾之咎誠
不能爲統轄之辰沅靖道鄭振寬也至兼轄之署鳳凰
營通判哲爾肯雖未呈報在前但一經查詢卽將情形

備述而會詢又據實供吐似無諱飾情弊合聽部議其
專汛官例有處分容臣查明補叅再紅苗地方非內地
可比其間有仇盜未明兇犯無獲者臣仰體

聖主洪慈嚴飭專管紅苗道員督緝俟拿獲之日審明
照案題結至拿陷兵丁關係苗邊重情斷不敢扶同
諱匿除武職聽督臣指叅外所有此案疎防文職臣謹
會題伏乞

皇上睿鑒施行

刑部議 查該道鄭振係專管地方之員弁兵被苗

哄拿隱匿不報又該撫移查之後仍以並無被苗哄
拿之事欺飾詳覆殊屬不合不便照隱匿例議處應
將辰沅靖道鄭振華職又疏稱署鳳凰營通判事乾
州同知哲爾肯雖未呈報於前但一經查詢即據實
供吐似無諱飾合聽部議但同知哲爾肯將得勝營
弁兵被苗哄拿不卽呈報上司應將哲爾肯照例降
二級調用再查專汛官該撫既經查明補叅應候補
叅到日再議其未獲紅苗行令該撫嚴拿審擬具題
可也奉

百依議

題何求毆死雷玉生招罪疏

四十六年十一月

爲舉報事該臣看得何求與被毆身死之雷玉生素無仇隙祇緣游氏之夫熊國仁曾往寧鄉地方玉生因姊在寧遂與國仁熟識後國仁揪至新化縣白溪市玉生欲往寧鄉省姊附搭劉克生船行至白溪市灣泊與克生登岸至舖飲酒克生歸船玉生先知國仁搬居在市卽往探視適國仁父子外出玉生藉以索火吃煙入室求姦游氏不從遂扯落玉生髮辮并卽喊叫何求因先與游氏有姦聞聲往視玉生情急卽取柴刀相拒何求奪

刀遂用刀背打傷玉生致命後肋腰腿二處玉生復爲
扭揪何求又打傷玉生胎膊腦脉并刀口撞傷手背等
處游氏力爲解勸玉生始得奔出行至河邊廟前倒地
船戶劉克生聞信往視報知牌頭萬輯吳等用茶灌救
詢問玉生止云何求一語卽行殞命歷訊何求自認不
諱且堅供並無爭姦殺死情弊亦無其毆加功之人何
求除先與游氏通姦輕罪不議外合依鬪毆殺人者不
問手足他物金刃並絞律應擬絞監候游氏因玉生強
姦扯去其婦固得免議但先與何求通姦不合應照與

相等人通姦例枷號一個月責四十板熊國仁殿時在外且不知何求與游氏通姦之情念其老病應免提訊理合具題伏乞

皇上睿鑒勅下三法司核擬施行

題叅邊民被苗殺陷各案請匿職名疏
四十六年二月
爲廳員任意諱延不報不覆溺職殊甚特據實詳揭事
該臣看得紅苗擾害邊方

皇上特設重鎮彈壓分營四營增兵至三千名又移道
員駐劄併添設同知通判巡檢等員共爲經理其所以
安邊弭患者誠詳且密矣乃文武官弁不肯實心辦事
惟圖掩飾彌縫本年內有鎮守鎮得勝營弁目撥兵採
草被苗吳老吉等拿去百總兵丁黃萬年共二十三名
未報臣以該道疎諱欺飾會同 題叅在案茲據辰沅

靖道鄭振以乾州同知哲爾肯諱延不報不覆之案詳
揭到臣且稱哲爾肯苟戀一官貽悞地方縱暴起釁草
菅民命臣查地方命盜等案自應隨事隨報緝追審解
乃竟匿不報聞則乾州同知哲爾肯諱匿之咎誠所難
辭但辰沅靖道鄭振身任監司駐劄五寨城專理苗事
既經訪查而該廳並無回覆卽應指實詳奏以懲玩習
以肅邊防乃通同隱諱已經兩載直至今日哲爾肯不
敢代爲隱諱陷兵一案而該道始行詳揭其從前諱延不
報不覆之案若哲爾肯將陷兵之事亦扶同隱諱則該

道決不肯和盤托出依然苟戀一官貽快地方縱暴起
釁草菅民命耳是該道從前之隱諱與今日之詳揭其
奉職無狀設心叵測均難逃

聖明之洞鑒既據該道詳揭所有乾州同知哲爾肯諱
延不報不覆併辰沅靖道僉事鄭振扶同隱諱臣謹會
題伏乞

皇上睿鑒施行

奉

旨鄭某哲某將二十五起人命盜案扶同隱諱不報情

自治官書

卷四

奏

奏

奏

懷策堂

罪可惡俱着革了職該撫審明定擬具奏該部知道

題請將存貯南秋預撥兵米疏 四十六年十一月

爲南秋開徵有期兵糧支給難遲仰懇 題明以紓民
力以濟兵糈事該臣看得湖南各制營應需月米歷年
在於本年南秋米內支給但南秋二米例係七月初一
開徵而兵丁月米例應按月關支是春夏二季兵米必
須預爲徵收方能計月支給茲據驛鹽糧儲道秦議成
先詳稱湖南各制營兵丁每年奉部撥給必先撥上年
存剩等銀再撥本年地丁等項湊支一年俾各營兵丁
月餉均得季首關支而州縣地丁亦徐徐按限徵解是

酌撥兵餉之中已寓寬紓民力之意則兵丁春夏二季月米亦可一例邀撥上年解存克餉米石且湖南長衡岳寶靖五府州屬每年應徵南秋二米約共一十三萬有零湖南二十三標鎮協營兵丁除開月外每年止應需月米約共七萬有奇是解貯本年克餉南秋二米約共六萬有零可供各營來歲春夏二季兵食尚有存剩似應以此貯庫克餉之項每年於春夏二季按數給兵俟七月開徵以後卽於新徵內支給秋冬二季嗣後每年徵收南秋除現給本年秋冬二季又留克下年春夏

二季兵米外餘存仍照例折徵解部克餉兵丁免先期
之守候民間緩半年之預徵湖南百萬生靈永戴

皇仁於億萬年等因詳請 題達前來臣查南秋米石
例應七月初一開徵而制營兵丁春夏二季月米又應
按月關支則不得不預徵以應各兵之支給但當青黃
不接民間既有地丁完半之催徵又值兵米必需之輸
納小民未免預徵之苦查湖南每年應徵南秋二米除
支給兵糧外尚存六萬石有零解貯克餉而春夏二季
兵米不過三萬七千餘石仰懇

皇上洪恩俯鑒南秋原有七月開徵之定例而兵糧又
有按月支給之定限卽將貯庫克餉米石照兵丁月餉
一例預撥按數給發春夏二季兵糧其秋冬二季就於
七月新徵內支給嗣後每年除現給本年秋冬二季及
畱克下年春夏二季兵米外餘存仍照例折徵解部克
餉則兵丁得以計口餉口而小民亦可遵限輸糧頂戴
聖慈共祝 萬壽於無疆矣臣謹會 題伏乞

皇上睿鑒施行

戶部議 湖南歷年兵米俱於本年南秋二米內支

給遵行已久不便更張應將該撫等所請之處毋庸
議奉

旨依議

恭進南嶽繪圖疏 四十六年十二月

爲恭進嶽廟繪圖仰祈 睿鑒事竊照南嶽爲

皇上主壽之山殿宇爲臣民祝 聖之所臣欽承

俞旨重新修建經始於康熙四十四年七月二十八日

告成於康熙四十六年九月十五日臣於十一月內躬

詣嶽廟親加查閱自櫺星門以至後北門其間宮殿樓

臺以及門廊城級垣窓欄檻一應木石磚瓦丹堊髹漆

俱照式修造完備所有廣袤丈尺前後規模臣謹督工

繪畫附以圖註裝潢成軸進呈

御覽薰沐緘題効嵩呼之萬歲雲霞披拂拱壽嶽於

九重臣謹具題伏乞

皇上睿鑒施行

題留桂陽伍牧疏

四十六年十二月

爲要地急需賢能與論公額 題留事該臣看得桂陽
州以知縣管知州事伍士琪經臣於康熙四十五年
大計案內薦舉卓異荷蒙

皇恩俞允嗣准部咨奉

旨山西朔州知州員缺着將伍士琪補授等因臣隨欽
遵轉飭遵照茲據布政使董昭祚等會詳內稱桂陽州
四面環山逼連兩粵苗徭雜處若非廉能素著熟悉風
土之員不克勝任查伍士琪操清政敏向有循聲今任

桂雖未年久民安盜息已有成效况桂陽州寔屬湖南
要地凡缺出卽於本省地方內遴請 題補今本省一
時無可調之員勢必請歸部選苗缺未便久懸且據該
州士民廖應標等劄劄千里連名具呈籲請 題留哀
呼迫切等因詳請 題達前來臣查伍士琪廉能素著
熟悉風土先經臣 題請調補桂陽州缺以知縣管理
州事續於 大計案內又經開列該員事寔卓異在案
今旣奉

旨補授朔州知州臣又何敢妄請惟是桂陽僻處邊壤

地雜苗獍俗多蠻悍且山連大湊奸宄易生值主璫雖
任桂未久愷悌宜民勤敏敷政吏治卓然所以該州士
民一聞陞信卽赴府具呈畱任又赴司額懇攀留該兩
司等旣據情具詳請 題臣愚衷治必先需才而易生
不如就熟仰祈

皇上俯念楚邊要地將伍士琪卽照知州陞銜仍畱桂
陽原任共朔州知州員缺另賜選補廢地方得人而民
生有賴矣伏乞

皇上睿鑒施行

題荆同知翁某多徵木稅疏 四十六年十二月

爲請

查事該臣看得荆關木稅一案現照何例徵收每年多徵若干部覆將翁年倫暫行解任交臣提審臣隨檄提到長查訊據翁某供過江木俱照王某詳定每根二錢八分八厘徵收自康熙四十一年閏六月到任五年內每年俱應照徵收二萬根計筭四十六年兩季只收四百四十四根連閏至四十七年四月仍照二萬根計筭又供多收木稅每年解銅解銀銅價各項費去然各關

皆同不便聽其冒銷翁某自認賠完則前項每年收過江木二萬根每根多收銀一錢六分八厘五年共多收銀一萬六千八百兩併四十六年兩季收過江木四百四十四根多收銀七十四兩五錢零俱應照追入官翁某既自認賠完聽候部議又臣前請仍歸部差令徵收一年將徵收之數作爲定額及請另定川木圍量則例以免窮商苦累之處併聽部議伏乞

皇上睿鑒勅部議覆施行

刑部議 查該撫既稱翁某任內多徵銀兩翁某自

應賠完應令該撫將多徵銀着落翁某名下務於限
內嚴追全完交荊州府庫具題如逾限不完將翁某
嚴加議罪又該撫疏稱查明李馮敬舒在任一年定
抽分額銀一萬六千一百八十三兩零今每年抽分現
額銀九千六百四十二兩零又加每年多收銀三千
三百六十兩并筭共銀一萬三千零但同知職卑權
輕地方蠹棍不無侵蝕烹分之弊仍歸部差令徵收
一年卽將徵收之數作爲定例更請另定川木圍量
則例等語據此應如該撫所題俟

命下之日工部將各部院保舉司官開列具題恭候
皇上欽點一員差往徵收一年差滿更換其川木圖量
則例該撫查明定議具題聽工部核議其徵收稅額
以三年內多收稅銀之年作爲定額至所收稅銀照
舊例辦銅餘銀解交戶部可也奉
旨依議

題曹吉人等致死竊牛賊曹子祥等三命招罪疏

四十六年十二月

爲報明事該臣看得曹吉人曹子恒等致死曹子祥陳
公純又何子才溺死何允公三命一案緣鄧一可家失
去黃牛一頭當卽跟跡尋訪次早偕地鄰至何允公屋
後見繫有水牛三頭追問黃牛下落允公直認水牛乃
別縣草場所竊黃牛係曹子祥牽去隨往子祥家查問
子祥認係伊子趕鬻自願立限尋還一可以盜贓既露
卽喚團長劉鳳明押何允公曹子祥并水牛三頭送縣

寃迫子祥不肯前行一可遂拳毆脊背拉之赴縣途經
安福司地方二盜家族俱住彼地一可隨投明兩姓戶
族有允公之父何子才見子夥黨竊牛氣忿已極遂同
團長曹吉人等攔阻不令送官謂以家法自處一可鳳
明不允吉生等將一可鳳明關於舖內曹子恒聞陳公
純同夥行竊遂向公純親家李彩玉逼要公純至十三
日彩玉將公純送出子恒卽持柴棍打公純偏左子才
恨子平日不孝今犯竊賊親印掌圖逼令戶生何休嘉
代寫其結交團長曹吉人吉人等亦勒戶生曹嗣先寫

結遊團懲戒立結之後子才令弟何飛漢挈綁允公之手子才自牽允公前走飛漢因兄瞽目扶兄行至河邊子才遂推其子何允公下水溺死吉人卽令曹子耀等牽陳公純遊團行至橋上吉人子恒見子才將子溺死吉人亦主使子耀推曹子祥子恒主使瑞林推陳公純俱跌橋下水淺石露跌墜尖石之上子祥撞傷右耳根公純磕傷偏右額顛斃命歷訊自認不諱曹吉人曹子恒合依謀殺人造意者斬律應各擬斬監候曹子耀曹瑞林合依從而加功者絞律應各擬絞監候何子才自

溺行竊之子比照子孫違犯教令而父母非理毆殺者
律杖一百何飛漢聽從親兄將親姪挈縛其手扶兄牽
子以行雖主謀下手推河俱出自伊兄然既挈縛扶行
難辭謀殺爲從之律查何飛漢係何允公期親服叔合
依尊長謀殺卑幼依故殺罪律杖一百流二千里爲從
減一等杖一百徒三年何休嘉曹嗣先等俱合依知同
伴人欲行謀害他人不卽阻當救護被害之後不言言
律各杖一百其無主贓牛三頭變價入官鄧一可所失
黃牛另行追給臣謹具 題伏乞

皇上睿鑒施行

奉

青曹吉人曹子恒依擬應斬曹子耀曹瑞林依擬應絞
俱着監候秋後處決餘依議